

Broj: 06-03-245-07/6/19
Mostar, 07.06.2019. godine

Na osnovu člana 21., člana 37., člana 42., člana 84., člana 86. i člana 87. stav (1) i stav (2) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 20. stav (2) Zakona o korištenju obnovljivih izvora energije i efikasne kogeneracije („Službene novine Federacije BiH“ broj 70/13 i 5/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 18., člana 40. i člana 43. stav (1) Pravilnika za izdavanje dozvola („Službene novine Federacije BiH“ broj 2/17), člana 12. stav (3) i člana 13. stav (2) Pravilnika o sticanju statusa kvalifikovanog proizvođača električne energije („Službene novine Federacije BiH“ broj 53/14), člana 4. stav (3), člana 5. i člana 8. Pravilnika o metodologiji i načinu obračuna regulatornih naknada za imaoce dozvola („Službene novine Federacije BiH“ broj 5/17, 59/17 i 49/18), postupajući po Zahtjevu za prenos dozvole za rad broj 06-03-245/6/19 od 13.02.2019. godine podnosioca zahtjeva „ADRIJA-PRODUKT“ d.o.o. Zenica u postupku prenosa Dozvole za rad za proizvodnju električne energije broj 06-03-341/21/17 izdate 14.09.2017. godine sa „ADRIJA-PRODUKT“ d.o.o. Zenica kao postojećeg imaoца dozvole na „FEKO-ENERGY“ d.o.o. Zenica, Regulatorna komisija za energiju u Federaciji Bosne i Hercegovine – FERK je dana 07.06.2019. godine na IX redovnoj sjednici donijela sljedeće

RJEŠENJE

1. Izdaje se Dozvola za rad za proizvodnju električne energije podnosiocu zahtjeva „FEKO-ENERGY“ d.o.o. Zenica.
2. Utvrđuje se „FEKO-ENERGY“ d.o.o. Zenica, status kvalifikovanog proizvođača u objektu hidroelektrana „Bistričak“, u periodu važenja dozvole iz tačke 3. ovog rješenja.
3. Dozvola za rad za proizvodnju električne energije iz tačke 1. ovog rješenja važi do 13.9.2027. godine, sa uslovima dozvole koji čine njen sastavni dio.
4. Sastavni dio ovog rješenja čini dozvola iz tački 1. i 3. ovog rješenja.
5. U Odluci broj 08-07-1034-04/18 od 10.12.2018. godine pod rednim brojem 14, naziv imaoца dozvole za rad, mijenja se i glasi: „„FEKO-ENERGY“ d.o.o. Zenica“.
6. Imalac dozvole je obavezan plaćati regulatornu naknadu u periodu važenja dozvole na način i u iznosu koji utvrdi FERK posebnom odlukom.
7. Danom donošenja ovog rješenja, prestaje važiti Rješenje broj 06-03-341-12/21/17 od 14.09.2017. godine kojim je izdata Dozvola za rad za proizvodnju električne energije za „ADRIJA-PRODUKT“ d.o.o. Zenica.
8. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

Образложење

Dana 13.02.2019. godine FERK je od postojećeg imaoца dozvole „ADRIJA-PRODUKT“ d.o.o. Zenica primio Zahtjev za prenos dozvole za rad pod brojem 06-03-245/6/19. U prilogu tog zahtjeva primljen je i Zahtjev za izdavanje dozvole za rad za proizvodnju električne energije podniet od „FEKO-ENERGY“ d.o.o. Zenica, kao pravnog lica na koje se želi izvršiti prenos dozvole, u proizvodnom objektu hidroelektrani „Bistričak“, za koji je FERK izdao „ADRIJA-PRODUKT“ d.o.o. Zenica Dozvolu za rad za proizvodnju električne energije broj 06-03-341/21/17 dana 14.09.2017. godine.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev nije potpun u smislu člana 12. Pravilnika za izdavanje dozvola. Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi uputio podnosiocu zahtjeva Obavještenje o nedostacima podnesenog Zahtjeva za prenos dozvole za rad broj 06-03-245-01/6/19 od 04.03.2019. godine, te mu odredio rok radi otklanjanja u obavještenju naznačenih nedostataka i upozorio ga na posljedicu propuštanja. Postupajući po obavještenju, podnosilac zahtjeva je dostavio dopis primljen u FERK 04.03.2019. godine pod brojem 06-03-245-02/6/19, dopis primljen u FERK 18.03.2019. godine pod brojem 06-03-245-03/6/19, te dopis primljen u FERK 10.04.2019. godine pod brojem 06-03-245-04/6/19, uz koje je dostavio tražene informacije i obrazloženja, a na osnovu kojih je FERK utvrdio da je podneseni zahtjev potpun i da su se stekli uslovi za objavu obavještenja za javnost o nacrtu dozvole.

U Zahtjevu za prenos dozvole za rad broj 06-03-245/6/19 od 13.02.2019. godine, postojeći imalac dozvole „ADRIJA-PRODUKT“ d.o.o. Zenica, je kao razloge zbog kojih traži od FERK-a da se izvrši prenos Dozvole za rad za proizvodnju električne energije broj 06-03-341/21/17 koju mu je FERK izdao 14.09.2017. godine na „FEKO-ENERGY“ d.o.o. Zenica, naveo da je „ADRIJA-PRODUKT“ d.o.o. Zenica na osnovu Odluke o osnivanju društva sa ograničenom odgovornošću za proizvodnju, prenos i distribuciju električne energije „FEKO-ENERGY“ Zenica broj 01-O-FE/17 od 23.08.2017. godine osnovao privredno društvo „FEKO-ENERGY“ d.o.o. Zenica, te time izvršio razdvajanje djelatnosti kojima se bavi i to trgovinu na veliko i proizvodnju električne energije, kao i da „FEKO-ENERGY“ d.o.o. Zenica preuzima sva prava i obaveze iz koncesionog ugovora i nastavlja poslovati u oblasti djelatnosti proizvodnje električne energije. Takođe, uz Zahtjev, postojeći imalac dozvole „ADRIJA-PRODUKT“ d.o.o. Zenica je dostavio FERK-u i Odluku o osnivanju društva sa ograničenom odgovornošću za proizvodnju, prenos i distribuciju električne energije „FEKO-ENERGY“ Zenica broj 01-O-FE/17 od 23.08.2017. godine i Odluku o ispravci Odluke o osnivanju društva sa ograničenom odgovornošću za proizvodnju, prenos i distribuciju električne energije „FEKO-ENERGY“ Zenica broj 01-O-FE/17 od 23.08.2017. godine, broj 01-O-FE/17-1 od 13.09.2017. godine.

Obzirom da je FERK utvrdio da je podneseni zahtjev potpun, postupajući u skladu sa članom 41. Pravilnika za izdavanje dozvola, dana 14.05.2019. godine donesen je Zaključak broj 06-03-245-05/6/19 kojim se odobrava provođenje postupka prenosa Dozvole za rad za proizvodnju električne energije broj 06-03-341/21/17 izdate 14.09.2017. godine sa postojećeg imaoца dozvole „ADRIJA-PRODUKT“ d.o.o. Zenica na „FEKO-ENERGY“ d.o.o. Zenica.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, te imajući u vidu da je „FEKO-ENERGY“ d.o.o. Zenica postojeći imalac dozvole, FERK je u skladu sa članom 16. Pravilnika za izdavanje dozvola, pripremio Nacrt dozvole za rad za proizvodnju električne energije. Na osnovu člana 92. stav (2) Zakona o električnoj energiji u Federaciji Bosne i Hercegovine, FERK je Odlukom broj 06-03-245-06/6/19 od 14.05.2019. godine usvojio Nacrt dozvole za rad za proizvodnju električne energije, te obavještenje za javnost o općoj raspravi o Nacrtu dozvole za rad za proizvodnju električne energije, kojom je ovaj nacrt upućen u proces javne rasprave. Ovom odlukom je imenovan voditelj postupka i zamjenik voditelja postupka, te je utvrđeno i da su zainteresovana lica imala mogućnost dostaviti svoje pisane komentare na Nacrt dozvole za rad za proizvodnju električne energije na adresu FERK-a ili na elektronsku adresu u periodu od 14.05. godine do 22.05.2019. godine do 12:00 sati, kao i da su lica koja imaju direktan interes učestvovati u postupku izdavanja dozvole, pod uslovom da im je interes različit od opšteg javnog interesa, imala mogućnost podnijeti zahtjev za sticanje statusa umješaća na adresu FERK-a ili na elektronsku adresu, u periodu od 14.05. godine do 22.05.2019. godine do 12:00 sati.

Do ostavljenog roka za dostavu pisanih komentara i za podnošenje zahtjeva za sticanje statusa umješaća, odnosno do 22.05.2019. godine do 12:00 sati, u FERK nisu primljeni pisani komentari na Nacrt dozvole za rad za proizvodnju električne energije, niti je primljen zahtjev za sticanje statusa umješaća.

Dalje, članom 4. i članom 5. Pravilnika o metodologiji i načinu obračuna regulatornih naknada za imaoce dozvola propisana je dinamika i način obračuna regulatorne naknade za imaoce dozvola za obavljanje elektroprivrednih djelatnosti. Članom 8. istog pravilnika propisan je način utvrđivanja regulatornih naknada za imaoce dozvola za obavljanje elektroprivrednih djelatnosti, odnosno način donošenja rješenja kojim se utvrđuje pojedinačni iznos godišnje regulatorne naknade za svakog imaoца dozvole. Odlukom o privremenoj regulatornoj naknadi za imaoce dozvola za obavljanje elektroprivrednih djelatnosti i imaoца dozvole za rad Operatora za OIEiEK za 2019. godinu, broj 08-07-1034-04/18 od 10.12.2018. godine, „ADRIJA-PRODUKT“ d.o.o. Zenica kao postojećem imaoцу dozvole za rad za proizvodnju električne energije utvrđen je iznos privremene regulatorne naknade za 2019. godinu, imajući u vidu da je došlo do prenosa dozvole bilo je potrebno uskladiti naziv imaoца dozvole za rad. O obavezi plaćanja regulatorne naknade imaoцу dozvole će se ispostaviti obavještenje.

Na osnovu obrade Zahtjeva za izdavanje dozvole za rad za proizvodnju električne energije podnosioca „FEKO-ENERGY“ d.o.o. Zenica u postupku prenosa Dozvole za rad za proizvodnju električne energije broj 06-03-341/21/17 izdate 14.09.2017. godine sa „ADRIJA-PRODUKT“ d.o.o. Zenica kao postojećeg imaoца dozvole na „FEKO-ENERGY“ d.o.o. Zenica i dokumentacije priložene uz zahtjev, utvrđeno je da podnosilac zahtjeva ispunjava kriterije za izdavanje dozvole za rad za proizvodnju električne energije i za sticanje statusa kvalifikovanog proizvođača u skladu sa Zakonom o električnoj energiji u Federaciji Bosne i Hercegovine i Zakonom o korištenju obnovljivih izvora energije i efikasne kogeneracije, te Pravilnikom za izdavanje dozvola i Pravilnikom o sticanju statusa kvalifikovanog proizvođača električne energije.

Na osnovu navedenog, kao i analize izvještaja voditelja postupka, u dozvoli koja je predmet ovog rješenja podnosiocu zahtjeva postavljene su, u skladu sa članom 26. i članom

27. Pravilnika za izdavanje dozvola i članom 13. stav (1) Pravilnika o sticanju statusa kvalifikovanog proizvođača električne energije, određeni uslovi, s tim da je period važenja dozvole ostao nepromijenjen. Spomenuti uslovi uvažavaju potrebu, ali i obavezu „FEKO-ENERGY“ d.o.o. Zenica, da u rokovima propisanim u uslovima dozvole za rad za obavljanje licencirane djelatnosti proizvodnje električne energije iste ispuni, u cilju zadovoljenja propisanih kriterija.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja strane u postupku mogu tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNICA FERK-a
Sanela Pokrajčić